

Sarajevo, 07.05.2019.

DODIJELJENE NAGRADE 5. FESTIVALA DJEČIJE UMJETNOSTI

GRAND PRIX PLANETA TEATAR OTIŠLA JE RIJEČANIMA, PLANETA BAJKI DOBILA JE JASMINA ŽILJAK-ILINČIĆ, A DJEVOJČICA ATIFA VAHIDA MUKOVIĆ NAJBOLJE JE DJEČIJE SPISATELJSKO PERO

- Svi učesnici za nas su pobjednici jer rade čudesne stvari i prenose snagu umjetnosti na generaciju koja raste, istakao je direktor Festivala Fahrudin Kučuk na svečanosti zatvaranja i dodjele nagrada 5. Festivala dječje umjetnosti (FEDU) u Sarajevu.

Nagrađeni su oni koji su pokazali najuvjerljivije kreacije, napisali najdivnije bajke, pokazali originalnost u pisanju, muziciranju ili glumačkoj ekspresiji.

Ova manifestacija je u proteklih pet dana spojila igru, edukaciju i obrazovanje. Bila je to prilika za afirmaciju knjige, književnosti uopšte, teatra za djecu, muzike, ali i ostalih obrazovnih, društvenih i kulturnih vrijednosti.

U takmičarskom pozorišnom programu izvedeno je devet umjetničkih ostvarenja iz Ljubljane, Zagreba, Rijeke, Vinkovaca, Mostara, Banje Luke, Niša i Kragujevca.

Nagrada Planeta Teatar - Grand prix za najbolju predstavu pripala je predstavi „Aventure malog Juju“ u režiji Renate Carola Gaticice i izvedbi Gradskog kazališta lutaka Rijeke.

Nagrada za najbolji tekst ili adaptaciju pripala je Tamari Kučinović za dramaturgiju „Bajka o izgubljenom vremenu,“ u izvedbi Pozorišta lutaka Mostar.

Najbolji glumac 5. Festivala dječje umjetnosti su, potpuno neodvojivi i fantastični dvojac Dejan Andrić i Marko Dukić za uloge Štuca i Muca u predstavi „Čudesni kontinenti“ u režiji Marka Dukića i izvedbi Nevid Teatra iz Banje Luke. Nagrada za najbolju glumicu dodijeljena je Fatimi Kazazić iz Pozorišta lutaka Mostar.

Nagrada za najbolju režiju dodijeljena je Zoranu Mužiću za režiju predstave „Pinocchio“ Zagrebačkog kazališta lutaka, a nagradu publike „Najjači aplauz,“ dobila je predstava „Pepeljuga,“ GKJI Vinkovci.

Među književnim nagradama 5. Festivala dječje umjetnosti je i specijalna nagrada za životno djelo pod nazivom „Vitez od bajke,, koju je dobio Muhidin Šarić, vrhunski dječji pisac koji je, kako je rečeno, za svoje ukupno životno djelo posvećeno djeci odavno u njihovoj percepciji vitez.

Dobitnica specijalne nagrade „Zlatna jabuka“ za osuvremenjavanje univerzalnih poruka bajke je književnica Jasna Šamić.

Dodjeljene su i tri nagrade za najbolju bajku po raspisanom konkursu u kategoriji afirmirani stvaraoci. Prva je pripala autorici Jasmini Žiljak-Ilinčić za bajku „Bojanova putovanja“, druga je bajka „Princeza smjehuljica“ autora Zejčira Hasića, a na trećem mjestu je „Bajka o caru Razvigoru Prvom,, autorice Blage Žurić.

Mladim autorima koji su učestvovali na konkursu i istakli se kao vješti kreatori također su dodijeljene nagrade za najbolje dječje pero „Aida“.

Mladi autori su podržani od Vakufske banke koja u duhu vakufa – u kojem se štedi da bi se ulagalo u znanje, kulturu i obrazovanje, dodjeljuje novčane nagrade našoj talentiranoj djeci.

Treće mjesto je pripalo Harisu Halilbašiću za «Bajku o svevidećim naočarima» iz «Prve osnovne škole» Živinice.

Druga nagrada je otišla u ruke Ane Tomić za bajku “Sunčica i vila srećica” iz OŠ “Ilija Jakovljević” Mostar.

A prvu nagrada za najbolje dječje pero “Aida” pripala je Atifi Vahidi Muković za bajku “Svilena i njena dobrota pobjeđuju zlo” iz “Devete osnovne škole” Sarajevo.

Nagrade učenicima je dodijelio član Uprave Vakufske banke Adnan Bogunić koji je istakao:

„Vrijednosti koje promovira FEDU festival su potpuno kompatibilne sa onim što smo mi u Vakufskoj banci definirali kao jedan od prioriteta društveno odgovornog djelovanja. To je prije svega kreiranje klime za jedan zdrav socijalni i kulturološki razvoj najmlađih u našem društvu. Projekti kao što je ovaj doprinose upravo tome - razvijaju kod djece ljubav prema umjetnosti, urbanoj muzičkoj formi, pozorištu, kulturi općenito, i mi ćemo uvijek rado pružiti našu podršku. Čestitamo organizatorima festivala na odličnoj inicijativi i organizaciji, kao i našim malim takmičarima na angažmanu i sjajnim rezultatima, uz želju i poruku da nastave ići ovim putem!“

Planeta Muzike za doprinos razvoju muzičke kulture u regiji i internacionalne saradnje, te doprinos afirmiranju muzičkog stvaranja pripala je Kazališno-koncertnoj dvorani „Ivana Brlić Mažuranić“ iz Slavenskog Broda.

Posebno priznanje Muzička plaketa dodijeljeno je dvjema školama - Akademiji Pink Panther i „Notama“, muzičkoj radionici.

Podršku Festivalu daju Općina Stari Grad i Ministarstvo kulture i sporta Kantona Sarajevo, Grad Sarajevo, Turistička zajednica Kantona Sarajevo, Fondacija za muzičke, scenske i likovne umjetnosti, Općina Centar ali i nekoliko domaćih kompanija koje su stale uz Festival i svojim korporativnim senzibilitetom i svojom podrškom u proizvodima ili finansijski.

To su: Vakufska banka, Messer, BH Gas, Apoteke Sarajevo, Gadžo komerc, Lutrija BH, Fan Ferhatović, Čevabdžinica Petica, Kantonalni zavod za zaštitu kulturno-historijskog i prirodnog naslijeđa, Discover me Academy, Apoteka Bunjo Grupacija, Europlakat BH. Uz nas su i BKC Sarajevo, Kulturni centar Kakanj, IMTM, Muzej Sarajeva, Narodno pozorište, Biblioteke Breza i Kakanj i druge institucije i udruženja.

Medijsko pokroviteljstvo stiže od FENA-e, BHRT-a, Oslobođenja, Radija M i Sarajevo navigatora.

Naravno i svih drugih medija koji nas prijateljski podržavaju već petu godinu.

U utorak, 07. maja nakon izvedbe predstave “Mali maslačak” bit će dodijeljene nagrade za najbolje dječije predstave dok FEDU Kids bazar traje cijeli dan do 17 sati u Bosanskom kulturnom centru.

A već 8. maja nastavljamo našu “radost iz koje se uči” pripremajući realizaciju knjiga nagrađenih bajki sa 5. FEDU i naredni Festival dječije umjetnosti.

Odnosi s javnošću 5. FEDU